

**Talamdan sa
Mga Mensahe alang sa Full-time Training
sa Fall Term sa 2022**

**LINANGKOB NGA HISGOTANAN:
MAGKINABUHI DIHA SA REALIDAD SA LAWAS NI CRISTO
SA PAGKAT-ON KANG CRISTO MAINGON NGA NAA NI JESUS ANG REALIDAD**

Mensahe 4

Ang Pagkat-on sa Sekreto Pagkat-on man kang Cristo maingon nga Naa ni Jesus ang Realidad aron Magkinabuhi sa Kinabuhi sa Dios-tawo nga Realidad sa Lawas ni Cristo

Basahong Kasulatan: Efe. 4:20-21; Fil. 1:8, 19-21a; 2:5; 12-16; 3:7-10, 13-14, 20-21; 4:12-13

I. Ang realidad sa Lawas ni Cristo mao “ang realidad...nga naa ni Jesus”—Efe. 4:21:

- A. Ang realidad nga naa ni Jesus mao ang aktwal nga kahimtang sa kinabuhi ni Jesus nga nasulat sa upat ka Ebanghelyo; ang kinabuhi ra nga pagsubli sa kinabuhing gikinabuhi ni Cristo dinhi sa yuta ang makapahimuot sa Dios—Mat. 3:15-17; 17:5; Luc. 3:22; 2 Cor. 5:9; Heb. 13:21; 1 Juan 3:22-24.
- B. Kinabuhing makapahimuot sa Dios ang kinabuhing nagsinati ni Cristo sa mga kasinatian Niya; makalipay sa Dios kanang kinabuhia; sa magkinabuhi Siya sa sulod nato ug pinaagi nato, sublion Niya sa sulod nato ang Iyang kinabuhi ingon sa nasulat sa upat ka Ebanghelyo—*Mga Alawiton*, #403.
- C. Ang pagkinabuhi ni Ginoong Jesus dinhi sa yuta mao gyod unta ang pagkinabuhi sa mga bahin sa Lawas ni Cristo karon; ang realidad nga naa ni Jesus mahulad gyod unta diha sa daghang bahin Niya aron hiniusa silang magkinabuhi diha sa realidad sa Lawas ni Cristo—Juan 14:19.

II. Ang Dios-tawong pagkinabuhi sa Ginoo nahimong sumbanan sa Iyang mga magtutuo; kining sumbanan aron man mahulad ang Dios-tawo diha sa mga magtutuo—Rom. 8:29; 1 Ped. 2:21:

- A. Sa sinugdan, naa sa usa ka tawo, nga si Jesucristo, kanang kinabuhia; karon gisubli kining kinabuhia diha sa daghang tawo nga gitubos ug gipanganak pag-usab ug nakabaton sa diosnong kinabuhi—1:18, 21, 23; 1 Juan 5:11-12.
- B. Ang pagsunod kang Jesus pagka-*xerox copy* man sa unang Dios-tawo (1 Ped. 2:21); kay mga Dios-tawo man, magkinabuhi gyod ta ingon nga diosnon ug misticong mga tawo; diosnon ug mistico gyod unta ang tanang butang sa atong pagkinabuhi—1 Juan 2:6; 3:1; 4:6a, 15, 17b; Fil. 1:20b-21a.
- C. Ang realidad sa Lawas ni Cristo hiniusang pagkinabuhi man sa nahingpit na nga mga Dios-tawo, nga tinuod nga mga tawo apan wala magkinabuhi sa ilang kinabuhi kondili sa kinabuhi sa nahikay nga Dios, kansang mga kaayo napadayag pinaagi sa ilang maayong kagawian.

III. Sumbanan si Pablo sa pagkat-on sa sekreto sa paghimo kang Cristo nga tanan, sa sekreto sa pagsinati ug pagpahimulos kang Cristo sa tanang butang ug sa tanang dapit—kini ang pagkat-on kang Cristo maingon nga naa ni Jesus ang realidad—4:12; Efe. 4:20-21; 1 Tim. 1:16:

- A. Ang labing maayong paagi sa pag-atiman sa mga tawo, sa pagpangga ug pagtil-og kanila, paghatag man kanilag hustong sumbanan; gipakaon ni Pablo ang iyang espirituhanong

mga anak sa kaugalingon niyang pagkinabuhi kang Cristo—v. 16; 1 Tes. 2:1-12; 2 Cor. 1:23—2:14; 11:28-29; 1 Cor. 9:22; Buh. 20:28:

1. Dili lang nga gisangyaw sa mga apostol ang ebanghelyo kondili gikinabuhi sab nila kini; dili sa pulong ra ang pagpangalagad nila sa ebanghelyo kondili sa kinabuhi sab nga nagpasundayag sa gahom sa Dios, sa kinabuhing naa sa Espiritu Santo ug sa kasegurohan sa pagtuo—“nasayran ninyo unsang mga tawhana mi diha ninyo tungod ug alang ninyo”—1 Tes. 1:5.
2. Diha sa iglesia ang tawo maoy labing importante; ang tawo maoy paagi ug ang tawo maoy buhat sa Ginoo; kon unsa ka mao sab ang imong gibuhay—Juan 5:19; 6:57; Fil. 1:19-26; Buh. 20:18-35; Mat. 7:17-18; 12:33-37.

B. Natuhopan si Pablo sa Dios aron mopasidlak sa Dios diha sa pagpangalagad sa bag-ong pagkisaad, nga mao ang pagpangalagad sa Espiritu, ang pagpangalagad sa pagkamatarong, ug ang pagpangalagad sa pagpasig-uli—2 Cor. 3:18; 4:1; 3:6, 8-9; 5:18-20.

IV. Sa taas nga panaw ni Pablo isip binilanggo, nagkinabuhi siya sa kinabuhing lig-dong gyod kaayo, nga dunay kinalabwang tawhanong maayong kagawian, nga nag-padayag sa labing maayong mga diosnong kaayo—Buh. 27:22, 24-25; 28:3-6, 8-9:

- A. Sa pagpanaw ni Pablo gikinabuhi ug gipadako niya si Cristo; gikinabuhi niya ang kinabuhi sa Dios-tawo nga si Jesus pinaagi sa Espiritu sa gihimayang Jesus—Fil. 1:19-21a; Efe. 6:19-20; Buh. 16:7; Juan 7:37-39a.
- B. Si Jesus kini nga nagkinabuhi pag-usab dinhi sa yuta sa pagka-tawo Niya nga gipadato sa pagkadios!
- C. Kini ang kahibulongan, maayo kaayo, ug misteryosong Dios-tawo, nga nagkinabuhi sa Mga Ebanghelyo, ug padayong nagkinabuhi sa Mga Buhat pinaagi sa usa sa daghang bahin Niya!
- D. Buhing saksi kini sa nagpakatawo, gilansang sa krus, ug gibayaw sa Dios nga Cristo!

V. Sa pagsunod nato ni Pablo nga atong sumbanan sa pagkinabuhi sa kinabuhi sa Dios-tawo, imintinar gyod nato ang atong kalipay—2 Cor. 5:9; Heb. 11:5-6; Fil. 4:4:

- A. Bansayon gyod nato ang atong espiritu sa pagdayeg sa Ginoo ug pagkalipay kanunay—Heb. 13:15; Sal. 119:164; Rom. 14:17-18; itandi sa 1 Cor. 12:13; Sal. 116:12-13.
- B. “Gimintinar nako ang akong kalipay, busa ayaw lag kabalaka. Naglaom ko nga atimanon sab nimo ang imong kaugalingon ug matugob sa kalipay sa imong kasingkasing” (gikan sa sulat nga gisulat ni Watchman Nee sa prisohan alang sa iyang bayaw nga babaye sa Abril 22, 1972)—itandi sa Lev. 1:9; 6:10.

VI. Sa pagsunod nato ni Pablo nga atong sumbanan sa pagkinabuhi sa kinabuhi sa Dios-tawo, mosinati gyod ta ni Cristo sa mga bahin Niya sa sulod—Fil. 1:8:

- A. Ang pagkamao ni Cristo sa sulod, ang pagbati Niya sa sulod, bug-os gyong napunting sa Iyang mga magtutuo, nga mga bahin sa Iyang Lawas, sa iglesia—Efe. 5:25, 30.
- B. Kinahanglan mausa ta ni Cristo sa mga bahin Niya sa sulod, sa pagbati Niya sa sulod, alang sa iglesia ug sa tanang magtutuo—2 Cor. 12:15; Fil. 2:19-21.

VII. Sa pagsunod nato ni Pablo nga atong sumbanan sa pagkinabuhi sa kinabuhi sa Dios-tawo, himoon gyod nato si Cristo nga atong pagkinabuhi aron mapadayag Siya pinaagi sa madagayaong sangkap sa Espiritu ni Jesucristo—Fil. 1:19-21, 24-25:

- A. Nabuhi si Cristo diha ni Pablo aron mahimong iyang kinabuhi, ug gikinabuhi ni Pablo si Cristo aron mahimo Siyang pagkinabuhi niya—Gal. 2:20; 6:17.
- B. Nagpahimulos si Pablo sa madagayaong sangkap sa Espiritu ni Jesucristo nga sinagol nga Espiritu; alang sa Lawas ug sa sacerdotehanong pag-alagad sa Dios kining pagpahimulosa—Sal. 133.

- VIII. Sa pagsunod nato ni Pablo nga atong sumbanan sa pagkinabuhi sa kinabuhi sa Dios-tawo, himoon gyod natong hunahuna nato ang hunahuna ni Cristo—Fil. 2:5:**
- A. Ang paagi sa pagpatumong sa atong hunahuna diha sa espiritu pagpatumong man niini sa Pulong sa Dios—1 Cor. 2:16; Efe. 4:23; Rom. 8:6; Sal. 119:105, 130.
 - B. Labi natong patuhopon sa atong hunahuna ang kahayag sa Kasulatan, labi sab nga mahimong panghunahuna nato ang panghunahuna ni Cristo nga Ulipon-Manluluwas, ug maato ang hunahuna ni Cristo alang sa Lawas ni Cristo—Rom. 12:2-3; Mar. 10:45.
- IX. Sa pagsunod nato ni Pablo nga atong sumbanan sa pagkinabuhi sa kinabuhi sa Dios-tawo, mosinati gyod ta ni Cristo nga mao ang Dios nga nagbuhat sa sulod aron ipadayag Siya nga pulong sa kinabuhi—Fil. 2:12-16:**
- A. Nagbuhat ang Dios dinhi nato sa pagbuot sa sulod ug sa pagbuhat sa gawas alang sa Iyang gikahimut-an.
 - B. Ang pagpadayag kang Cristo nga pulong sa kinabuhi pag-aplikar, pagpresentar, ug pagtanyag man Kaniya ngadto sa uban sa pagkinabuhi nato Niya—Buh. 5:20; Mat. 5:16.
- X. Sa pagsunod nato ni Pablo nga atong sumbanan sa pagkinabuhi sa kinabuhi sa Dios-tawo, magtinguha gyod ta nga makabaton ni Cristo, makaplagaan diha Niya, ug subjectibong makaila Niya—Fil. 3:7-10:**
- A. Mausea gyod unta ta ni Pablo sa pag-isip sa tanang butang nga biya aron mabatonan, mangkon, nato si Cristo nga nadawat nato.
 - B. Nagtinguha si Pablo nga mahumol diha ni Cristo ug masuropan ni Cristo ang tibuok niyang pagkatawo aron makaplagaan siya sa tanang naniid niya nga hingpit gyod siyang naa ni Cristo.
- XI. Sa pagsunod nato si Pablo nga atong sumbanan sa pagkinabuhi sa kinabuhi sa Dios-tawo, himoon gyod nato si Cristo nga atong pagkamatarong nga gikinabuhi nato—v. 9:**
- A. Gusto si Pablo nga magkinabuhi dili sa kaugalingon niyang pagkamatarong kondili sa pagkamatarong sa Dios, ug makaplagaan diha nianang labaw kaayong kahimtang, nga nagpadayag sa Dios sa pagkinabuhi niya ni Cristo, dili sa pagtuman sa kasugoan.
 - B. Ang mga mananaog nga nagkinabuhi ni Cristo ingon nga ilang pagkamatarong karong panahona mahimong pangasaw-onon Niya sa Iyang kombira sa kasal, ug “[sul-oban silag] maayong lino, masanagon ug hinlo; kay ang maayong lino mao ang mga pagkamatarong sa mga balaan”—Bug. 19:8; 3:18.
- XII. Sa pagsunod nato ni Pablo nga atong sumbanan sa pagkinabuhi sa kinabuhi sa Dios-tawo, himoon gyod nato si Cristo nga tumong nato—Fil. 3:13-14:**
- A. Sige gyod tang magbansay nga kalimtan ang mga butang nga nangagi na ug mokab-ot sa unahan adlaw-adlaw aron labi pa natong mabatonan ang lapad kaayong teritoryo ni Cristo sa unahan nato nga wala pa masuhid.
 - B. Mopursigir gyod ta sa tumong—sa kinahingpitang pagpahimulos ug pagpakabaton ni Cristo.
- XIII. Sa pagsunod nato ni Pablo nga atong sumbanan sa pagkinabuhi sa kinabuhi sa Dios-tawo, mosinati gyod ta ni Cristo ingon nga maayong kagawian nato—Fil. 4:8:**
- A. Tinuod, halangdon, matarong, putli, hiligugmaon, ug dinayeg si Cristo; Siya ang realidad ning dalaygon nga maayong kagawian.
 - B. Mopursigir ngani ta Niya aron masinati Siya isip sulod nato, mahimo Siyang realidad sa maayong kagawian nato—2 Cor. 2:15; 3:3.
- XIV. Sa pagsunod nato ni Pablo nga atong sumbanan sa pagkinabuhi sa kinabuhi sa Dios-tawo, kinahanglan makat-on ta ni Cristo isip sekreto nato—Fil. 4:11-12:**

- A. Kinahanglan makat-on ta sa sekreto sa paghimo kang Cristo nga kinabuhi, sa pagkinabuhi Kaniya, pagpadako Kaniya, ug pagpakabaton Niya sa bisan unsang palibot ug sa bisan unsang butang.
- B. Sultian gyod nato ang Ginoo sa tanan, makigsultianay ta Niya, aron makapahimulos ni Cristo nga sekreto sa pagkakontento—vv. 6-7.

XV. Sa pagsunod nato ni Pablo nga atong sumbanan sa pagkinabuhi sa kinabuhi sa Dios-tawo, himoon gyod nato si Cristo nga atong gahom—v. 13:

- A. Sa usa ka bahin, makahimo ta sa tanang butang diha ni Cristo nga naggahom nato; sa laing bahin, wala tay arang mahimo bulag Niya—Juan 15:5.
- B. Isip dinamo sa sulod nato, gigamhan ta ni Cristo aron magkinabuhi Niya, magpadako Niya, ug mopadayon ngadto Niya nga tumong—1 Cor. 1:24; Efe. 1:19-23.

XVI. Sa pagsunod nato ni Pablo nga atong sumbanan sa pagkinabuhi sa kinabuhi sa Dios-tawo, himoon gyod nato si Cristo nga gilaoman nato—Fil. 3:20-21:

- A. Niingon ang daotang ulipon sa iyang kasingkasing nga malangan pa ang iyang agalon—Mat. 24:45-51.
- B. Ang mga nahigugma sa pagtungha ni Cristo gantihan Niya isip purongpurong sa pagkamatarong ug bituon sa kabugason—2 Tim. 4:8; Bug. 2:28.

XVII. Ang hiniusang pagkinabuhi sa mga Dios-tawo—ang pagkinabuhi nga realidad sa Lawas ni Cristo—maoy motapos ning panahona ug magpabalik ni Cristo aron moadawat, manag-iya, ug magbuot sa yuta uban ning mga Dios-tawo sa panahon sa gingharian—11:15; 20:6.